

DECLARATION

DV ROY, SVR CE

qui s'est passé en la ville de Peronne.

3685

*Publiee en Parlement le vingt-
cinquesme Octobre, mil
six cens seize.*




f

'A PARIS,

Chez F. D. MOREL, & P. METTAYER,
Imprimeurs ordinaires du Roy.

M. D C. XVI.

Avec Privilège de sa Majesté.





O V Y S Par la grace de
 Dieu Roy de France & de
 Nauarre : A tous ceux qui
 ces presentes lettres verront,
 Salut: Sçauoir faisons, que nostre tres-
 cher, & tres-amé cousin le Duc de
 Longueuille, Gouverneur, & nostre
 Lieutenant general en Picardie, Nous
 ayant fait plainement informer du sub-
 iet pour lequel il s'est porté en nostre
 ville de Peronne au mois d'Aoust der-
 nier, & de tout ce qui s'y est passé, tant
 dedans que dehors, auparauant, & de-
 puis qu'il y est entré, Nous auons eu
 beaucoup de contentement de cognoi-
 stre son obeissance, fidelité & affection
 à nostre seruice, & qu'il n'ayt eu autres
 intentions que de nous rendre le fidel
 seruice qu'il nous doibt, dont nous
 sommes demeurez tellement satisfaiets
 qu'il ne nous est resté que bonne opi-
 nion de ses deportemens. Et neant-

moins d'autant que par nos lettres de
 declaration du sixiesme de Septembre
 dernier, par les termes generaux & par-
 ticuliers d'icelles, quelques-vns en
 pourroient autrement presumer: A ces
 causes & autres bonnes considerations
 à ce nous mouuans, de nostre propre
 mouuement, pleine puissance & aucto-
 rité Royale, & de l'aduis de la Roynne
 nostre tres-honorée Dame & mere,
 Princes de nostre sang, & autres princes,
 Ducs, Pairs, & Officiers de la Cou-
 ronne; & gens de nostre Conseil,
 Auons déclaré & declarons par ces pre-
 sentes signees de nostre main, que nous
 n'auons entendu & n'entendons l'effect
 de nostredict declaration s'estendre à
 nostredit Cousin, lequel nous tenons
 & auoions pour nostre bon, fidel & af-
 fectionné subiect & seruiteur, & qu'il
 n'a aucune participation des faicts men-
 tionnez en nostredict declaration;

Auōs approuuē & agreē, approuuons & agreons ce qui a esté faict en nostredite ville de Peronne, hors icelle auant que nostredict Cousin y soit entré, & depuis tant par luy, qu'en consequence de ce par les Gouverneurs particuliers des villes & places, Gentilshommes, officiers habitans de nostredict ville de Peronne, & autres lieux, & tous ceux qui l'ont assisté, fauorisé & suiuy, de quelque qualité & condition qu'ils soient, qu'il a employez, & qui seront par luy aduoüez, Voulons & entendons que nostredict Cousin, ny aucuns des dessusdicts, ne puissent estre pour aucune des choses faictes & passées depuis nostredit Edict de Loudun, recherchez ny inquietez. Voulons en outre, entendons & nous plaist, que luy & chacun des dessusdicts iouyssent des gouuernemens, charges, offices, benefices, honneurs, gages, pensions, priuileges, franchises, libertez, &

WILSON
Ncu

exemptions à eux appartenans, & desquels si aucuns auoient esté priuez, destituez ou rayez, ils y soient reestablis incontinent, pour en iouyr comme ils faisoient ou eussent peu faire auparauant: nonobstant toutes lettres de declaration & iugemens à ce contraires, que nous auons cassés & annullés, cassons, annullons & reuoquons. Voulons aussi que nostredict Edict n'agueres faiet à Loudun soit entretenu, & que nos subjects compris és articles particuliers, & secrets accordez en consequence dudict Edict, iouyssent de l'effect d'iceux.

SI DONNONS EN MANDEMENT à nos amez & feaux Conseillers les gens tenans nostre Cour de Parlement à Paris, qu'ils facent registrer ces presentes, garder, entretenir & obseruer le cōtenu de poinct en poinct, selon leur forme & teneur, & cesser tous troubles & empeschemens à ce contraires. Car tel est

nostre plaisir. En tesmoing dequoy,
 nous auons faict mettre nostre seel à
 ces presentes. Donné à Paris le seizies-
 me iour d'Octobre, l'an de grace 1616.
 Et de nostre regne le septiesme. Signé
 LOVVS. & sur le reply, Par le Roy.
 Mangot. Et sceellees sur double queuë
 du grand seau en cire iaune. Et sur ledit
 reply est encores escrit,

*Leuës, publiees, & registrees, oy le Pro-
 cureur General du Roy, & ordonné que
 coppies collationnees seront enuoyees aux
 Bailliages & Seneschauſſees, pour y estre pa-
 reillement leuës, publiees, & registrees, à la
 diligence des Substituts du Procureur Gene-
 ral du Roy, ausquels à peine d'en respondre
 en leur nom, enioinct la certifier auoir ce faict
 au moys. à Paris en Parlement le 25. Octo-
 bre, 1616.*

Signé,

DR. TILLET.

